

Broj: 05-07-1-543-31/23  
Sarajevo, 8. 3. 2023. godine

BOSNA I HERCEGOVINA  
AGENCIJA ZA OSIGURANJE U BiH

PRIMLJENO: 14.03.2023.			
Org.	Broj	Pod.	Broj
02,07	02-5	126	10

AGENCIJA ZA OSIGURANJE U BiH  
- n/r direktoru –  
Dubrovačka 6, 71000 Sarajevo

**PREDMET:** Obavijest, dostavlja se

Vijeće ministara Bosne i Hercegovine, na 4. sjednici održanoj 2. 3. 2023. godine, razmotrilo je Izvješće o radu Agencije za osiguranje u Bosni i Hercegovini za 2021. godinu te s tim u vezi zaključilo:

- usvaja se Izvješće o radu Agencije za osiguranje u Bosni i Hercegovini za 2021. godinu.

S poštovanjem,

**DOSTAVLJENO:**

- naslovu
- u spis broj: 02-07-5-2069/22
- a/a

GENERALNI TAJNIK  
VIJEĆA MINISTARA BiH  
*mr. Robert Vidović*

AGENCIJA ZA OSIGURANJE  
U BOSNI I HERCEGOVINI



АГЕНЦИЈА ЗА ОСИГУРАЊЕ  
У БОСНИ И ХЕРЦЕГОВИНИ

INSURANCE AGENCY OF  
BOSNIA AND HERZEGOVINA

Broj: 02-025-126-12/22  
Sarajevo, 30.03.2023

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Agencija za osiguranje u Bosni i Hercegovini, *podnosi*:

## IZVJEŠTAJ O RADU AGENCIJE ZA OSIGURANJE U BOSNI I HERCEGOVINI ZA 2021. GODINU

### I – UVOD

Agencija za osiguranje u Bosni i Hercegovini (u daljnjem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) (u daljnjem tekstu: Zakon). Agencija je nadležna za jedinstvenu primjenu zakona o osiguranju između entiteta, postojanje nesmetane i djelotvorne saradnje između agencija za nadzor osiguranja u Federaciji Bosne i Hercegovine (u daljnjem tekstu: FBiH) i Republici Srpskoj (u daljnjem tekstu: RS), usaglašenost zakona iz oblasti osiguranja u Bosni i Hercegovini (u daljnjem tekstu: BiH) i usaglašenost istih sa zakonodavstvom Evropske unije (u daljnjem tekstu: EU), koordinirano predstavljanje i zastupanje BiH u organizacijama koje se bave osiguranjem na međunarodnom nivou, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko distrikta Bosne i Hercegovine kao i statistiku o cjelokupnom tržištu osiguranja u BiH. U izvještajnom periodu, Agencija je, u okviru utvrđenog programa „Usklađivanje propisa na tržištu osiguranja u Bosni i Hercegovini“, te kroz dva projekta: „Harmonizacija propisa i arbitraža“ i „Statistički servis i međunarodna saradnja“, realizovala sljedeće aktivnosti:

### Harmonizacija propisa i arbitraža

Sačinjena je Tabela usklađenosti Zakona o zastupanju u osiguranju i posredovanju u osiguranju i reosiguranju („Službeni glasnik RS“, broj 47/17) i Pravilnika o sadržaju i načinu vođenja registra zastupnika i posrednika u osiguranju i reosiguranju („Službeni glasnik RS“, broj 21/19) u Republici Srpskoj, Zakona o posredovanju u privatnom osiguranju („Službene novine FBiH“, br. 22/05, 8/10 i 30/16) i Pravilnika o registrima koje vodi Agencija za nadzor osiguranja Federacije Bosne i Hercegovine („Službene novine FBiH“, broj 84/17) u Federaciji Bosne i Hercegovine sa Direktivom (EU) 2016/97 Evropskog parlamenta i Vijeća od 20. januara 2016. o distribuciji osiguranja (preinačeni tekst) (Tekst značajan za EGP) (trenutni prečišćeni tekst od 12.06.2020. godine).

Upravni odbor Agencije za osiguranje u Bosni i Hercegovini (u daljnjem tekstu: Upravni odbor) je na 1. sjednici održanoj 24.02.2021. godine razmatrao i primio k znanju Informaciju o zakonodavnim aktivnostima u oblasti osiguranja, pripremljenu od strane Agencije, konstatujući da je izmjenama i dopunama Zakona o obaveznim osiguranjima u saobraćaju („Službeni glasnik RS“, broj 78/20), koje je RS usvojila u julu 2020. godine, u uslovima neokončane procedure usvajanja Zakona u FBiH, očuvana međuentitetska usaglašenost u oblasti osiguranja u strateškom pitanju liberalizacije premijskog sistema u osiguranju od autoodgovornosti i obezbijeden jednak i ravnopravan položaj učesnika na tržištu osiguranja u Bosni i Hercegovini. Također je konstatovano i da je usvajanjem Zakona o obaveznom osiguranju u saobraćaju („Službene novine FBiH“, broj 57/20) uspostavljen pravni okvir za postepenu liberalizaciju premijskog sistema u osiguranju od autoodgovornosti u FBiH, i to na međuentitetski usaglašenom principu postepene liberalizacije, čime je obezbijeden jednak i ravnopravan položaj učesnika na tržištu osiguranja u Bosni i Hercegovini.

Agencija je, postupajući po zaključcima Upravnog odbora sa 1. sjednice, za 2. sjednicu Upravnog odbora održanu 10.06.2021. godine pripremila „Prijedlog Analize usaglašenosti zakona o obaveznim osiguranjima u saobraćaju FBiH i RS“, kao i „Prijedlog Analize usaglašenosti Zakona o društvima za osiguranje u RS i Zakona o osiguranju u FBiH u dijelu koji se odnosi na reosiguranje, sa prijedlogom preporuka za izmjene i dopune tih odredbi“. Prijedlog Analize koja se tiče reosiguranja je skinut sa dnevnog reda, dok je u odnosu na „Prijedlog Analize usaglašenosti zakona o obaveznim osiguranjima u saobraćaju FBiH“ Upravni odbor Agencije donio Zaključak kojim je konstatovao da se upoznao sa istom i zadužio Agenciju da predmetnu Analizu dostavi entitetskim ministarstvima finansija i objavi na web stranici Agencije. Predmetna Analiza je objavljena na web stranici Agencije i dostavljena entitetskim ministarstvima finansija.

Federalno ministarstvo finansija je, pozivajući se na član 6. stav (1) c) Zakona, aktom od 20.09.2021. godine upoznao Agenciju da je Vlada Federacije Bosne i Hercegovine na 280. sjednici održanoj 09.09.2021. godine utvrdila:

1) Prijedlog Zakona o izmjeni Zakona o osiguranju i

2) Prijedlog Zakona o Izmjeni Zakona o obaveznim osiguranjima u saobraćaju, dostavljajući iste u prilogu.

Cilj izmjena predmetnih Zakona je usaglašavanje i harmonizacija Zakona u dijelu u kome se propisuje početak primjene odredbi za poslovne jedinice stranih društava za osiguranje i početak prelaska sa perioda administrativnog određivanja visine premije osiguranja od autoodgovornosti na period potpune liberalizacije. Navedeni Zakoni su stupili na snagu 23.12.2021. godine, te je Agencija pripremila informaciju o istom za 3. sjednicu Upravnog odbora zakazanu za 24.02.2022. godine.

U skladu sa članom 10. Zakona, Agencija prati rad Biroa zelene karte u Bosni i Hercegovini (u daljnjem tekstu: BZKuBiH) u skladu sa zakonima i propisima koji se primjenjuju na aktivnosti BZKuBiH, a u vezi sa ispunjavanjem zahtjeva Vijeća Biroa. Agenciji je od strane BZKuBiH dopisom od 03.08.2021. godine ukazano na mogućnost postojanja pravne praznine u dijelu obaveznosti članstva društava za osiguranje koja se bave poslovima obaveznog osiguranja od automobilske odgovornosti u BZKuBiH. Navedena informacija je dostavljena na upoznavanje i postupanje u aktivnostima Agencije na usklađivanju zakonodavstva u oblasti obaveznog osiguranja kako unutar BiH, tako i sa zakonodavstvom EU. Predmetni materijal se dostavio Upravnom odboru na nadležno postupanje i razmatranje za 3. sjednicu Upravnog odbora.

Održano je više radno-konsultativnih sastanaka sa relevantnim institucijama u Bosni i Hercegovini, a neke od njih su: Agencija za nadzor osiguranja Federacije Bosne i Hercegovine, Ministarstvo vanjske trgovine i ekonomskih odnosa Bosne i Hercegovine, Ministarstvo pravde Bosne i Hercegovine, Ministarstvo finansija i trezora Bosne i

Hercegovine, Generalni sekretarijat Vijeća ministara Bosne i Hercegovine, Direkcija za evropske integracije Vijeća ministara Bosne i Hercegovine, Ured za reviziju institucija Bosne i Hercegovine, Centralna jedinica za internu reviziju Ministarstva finansija i trezora Bosne i Hercegovine i Agencija za prevenciju korupcije i koordinaciju borbe protiv korupcije Bosne i Hercegovine.

### **Međunarodna saradnja i statistički servis**

Predstavnici Agencije su putem online platforme učestvovali na petom sastanku Pododbora za unutrašnje tržište i konkurenciju uključujući zaštitu i zdravlje potrošača između EU i BiH, koji je održan u Sarajevu 28.01.2021. godine. Direkcija za evropske integracije 19.03.2021. godine je dostavila Preporuke EU, operativne zaključke i Listu prpratnih aktivnosti koje Delegacija BiH treba preduzeti nakon 5. sastanka Pododbora za unutrašnje tržište i konkurenciju uključujući zaštitu zdravlja i potrošača.

Agencija je 17.12.2021. godine dostavila doprinose za Dokument za diskusiju za šesti sastanak Pododbora za unutrašnje tržište i konkurenciju uključujući zaštitu zdravlja i potrošača.

U izvještajnom periodu predstavnici Agencije su učestvovali u radu šest radnih grupa za evropske integracije, i to: Radna grupa za Poglavlje 9-Finansijske usluge, Radna grupa za Poglavlje 18-Statistika, Radna grupa za Poglavlje 3-Pravo poslovnog nastana i sloboda pružanja usluga, Radna grupa za Poglavlje 4-Slobodno kretanje kapitala, Radna grupa za ekonomske kriterijume i Radna grupa za Poglavlje 17-Ekonomska i monetarna politika. U okviru navedenih radnih grupa, tokom 2021. godine su se odvijale aktivnosti na izradi Programa integrisanja Bosne i Hercegovine u Evropsku uniju. Agencija je Direkciji za evropske integracije dostavila informaciju za izradu Priloga institucija u Bosni i Hercegovini za 2021. godinu, i to za period 15.06.2020. - 30.04.2021. godine.

Agencija je sačinila i dostavila komentare na nacrt dokumenta pod nazivom: "Bosna i Hercegovina: Nalazi iz STR revizije koji se tiču kompatibilnosti domaćih regulatornih režima sa zahtjevima trgovine uslugama prema dodatnom protokolu 6 (AP6) CEFTA-e (Izvještaj pripremljen za Sekretarijat CEFTA-e)".

Agencija je sačinila Godišnji izvještaj za 2020. godinu o tržištu osiguranja u BiH, koji je obuhvatio podatke i pokazatelje prema podacima koji su dobijeni od entitetskih agencija za nadzor osiguranja kao i ostalih relevantnih institucija. Izvještaj je u elektronskoj formi dostupan na stranici Agencije: [www.azobih.gov.ba](http://www.azobih.gov.ba). Štampano izdanje Godišnjeg izvještaja dostavljeno je korisnicima u zemlji i inostranstvu, a skraćena verzija objavljena je u službenim glasilima BiH. U toku 2021. godine, Agencija je na svojoj službenoj web stranici objavljivala kvartalne podatke o premijama osiguranja, štetama, rangiranju društava za osiguranje i koncentraciji tržišta u skladu sa raspoloživim podacima.

Za potrebe redovnog izvještavanja prema MMF, Centralnoj banci su dostavljeni podaci za MMF godišnji izvještaj FAS o dostupnosti finansijskih usluga za 2020. godinu. U cilju organizovanja istočno evropskog investicionog foruma u Trstu "Investicije i finansije za oporavak od COVID-a" izvršen je pregled i kontrola statističkih pokazatelja relevantnih za sektor osiguranja Bosne i Hercegovine, kao što su: aktiva, premija osiguranja (život/neživot), koncentracija tržišta osiguranja, broj zaposlenih, vlasnička struktura, broj društava, i premija po društvima. Informacije su dostavljene za Visoko sudsko tužilačko vijeće Bosne i Hercegovine koja se tiče upitnika Evropske komisije za efikasnost pravosuđa u okviru Vijeća Evrope – broj društava koja nude uslugu pravne zaštite i broj polica za vrstu osiguranja pravne zaštite.

Agencija je u cilju unaprijeđenja saradnje sa međunarodnim institucijama, asocijacijama i organizacijama iz oblasti osiguranja učestvovala na raznim seminarima, konferencijama, sastancima i radionicama. Neke od njih su konferencija na temu „EU legislativa u oblasti

plaćanja male vrijednosti“, „Završna konferencija ReSPA projekta u okviru reforme javne uprave“, „Hrvatski dani osiguranja“, „Procjena rizika od pranja novca i finansiranja terorizma u Bosni i Hercegovini za period 2018-2022. godina“, „Nesvakidašnji slučaj realne neutralne stope – da li smo u dugoročnoj stagnaciji?, „Konferencija o RMS riziku“, „Upravljanje i nadzor banaka i institucija finansijskog tržišta“, Tehnička pomoć na implementaciji virtualne misije IFRS 17“, „NatCat rizici u CEE“, „MSFI 17 i MSFI 19 seminar“, „Izazovi zakona o obaveznim osiguranjima u prometu“, „Supervizija osiguranja bazirana na riziku-put naprijed u svijetu nakon pandemije“, „Koliko nisko možemo ići? Održivo osiguranje u neizvjesnom svijetu“, „Istočno Evropski Investment forum Trst“, „Konferencija o osiguranju imovine“, „Analitika prirodnih katastrofa na mjestu osiguranja“, „Insurtech Balkans Samit“, „Seminar o inkluzivnom osiguranju“, „Obaveznost osiguranja od nezgode na radu i porezni tretman“, „Insurtech sarajevo Samit“, „Unaprijeđenje fiskalne i budžetske transparentnosti“, itd. InsurTech Balkans Hub u saradnji sa Agencijom za osiguranje u Bosni i Hercegovini je 24. novembra 2021. godine organizovao prvi InsurTech Sarajevo Summit u Bosni i Hercegovini na temu „Sprečavanje pranja novca i poznavanje kupaca u sektoru osiguranja kao i uvođenje digitalizacije“.

### **Upravni odbor Agencije**

Upravni odbor je u izvještajnom periodu održao dvije sjednice, i to: 24.02. i 10.06.2021. godine. Upravni odbor je izmjenom i dopunom Poslovnika o radu Upravnog odbora predvidio mogućnost održavanja elektronskih sjednica usljed nastupanja posebnih okolnosti. Za dnevni red navedenih sjednica Agencija je pripremila i dostavila materijale i akte iz nadležnosti Upravnog odbora, materijale i akte po zaključcima Upravnog odbora, te informisala Upravni odbor o aktivnostima bitnim za rad i funkcionisanje Agencije.

### **Ostale aktivnosti Agencije**

Prijedlog Pravilnika o unutrašnjoj organizaciji Agencije za osiguranje u Bosni i Hercegovini (u daljnjem tekstu: Prijedlog Pravilnika) sa postojećim brojem izvršilaca dostavljen je 02.12.2020. godine Vijeću ministara Bosne i Hercegovine (u daljnjem tekstu: VM BiH) na saglasnost. Prijedlog Pravilnika je bio uvršten u prijedlog dnevnog reda 31. sjednice VM BiH zakazane za 25.03.2021. godine. Međutim, Generalni sekretarijat Vijeća ministara Bosne i Hercegovine je Agenciji dostavio Obavijest od 31.03.2021. godine, kojom je ista informisana da VM BiH, na navedenoj sjednici nije razmatralo Prijedlog Pravilnika, jer je ova tačka skinuta na zahtjev Odbora za ekonomiju Vijeća ministara Bosne i Hercegovine, a radi potrebe pribavljanja saglasnosti Upravnog odbora. Upravni odbor je na 2. sjednici razmatrao i predmetni Prijedlog Pravilnika i donio Zaključke kojim je konstatovano da nema primjedbi na isti i zadužena je direktorica Agencije da Prijedlog Pravilnika dostavi VM BiH na saglasnost. Takođe, u raspravi je zauzet stav da se ubuduće nacrt ovog akta prethodno treba dostaviti članovima UO na razmatranje, a potom uputiti u proceduru pribavljanja mišljenja nadležnih organa. Prijedlog Pravilnika, odnosno dopuna ranije dostavljenog materijala, dostavljen je 25.07.2021. godine VM BiH.

Na web stranici Agencije objavljuju se dokumenti značajni za funkcionisanje i rad Agencije. U toku 2021. godine objavljeni su dokumenti u skladu sa Odlukom o postupku srednjoročnog planiranja, praćenja i izvještavanja o radu u institucijama Bosne i Hercegovine („Službeni glasnik BiH“, broj 62/14) i Odlukom o godišnjem planiranju rada načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) (u daljnjem tekstu: Odluka).

U skladu sa Odlukom, Agencija je sačinila Prijedlog Programa rada Agencije za osiguranje u Bosni i Hercegovini za 2022. godinu (u daljnjem tekstu: Prijedlog Programa rada za 2022. godinu) i za isti obavila konsultacije i pribavila mišljenje nadležnih institucija. Ured za

reviziju institucija Bosne i Hercegovine (u daljnjem tekstu: Ured za reviziju) počev od 17.03.2021. godine izvršio je završnu reviziju godišnjih računa za 2020. godinu u Agenciji i sačinio Izvještaj o finansijskoj reviziji te izrazio pozitivno mišljenje na finansijske izvještaje Agencije i pozitivno mišljenje na usklađenost poslovanja.

Ured za reviziju je, u periodu 28.12.-30.12.2021. godine, obavio predreviziju Agencije za period 01.01.-30.10.2021. godine.

### **Analiza osnovnih problema i izazova za izvršenje programa rada**

Nastanak stanja prirodne ili druge nesreće na području BiH, proglašenog Odlukom Vijeća ministara BiH o proglašenju stanja prirodne ili druge nesreće na teritoriji BiH („Službeni glasnik BiH“, broj 18/20), imalo je za posljedicu otežan rad Agencije. Postupajući po Odluci o postupanju institucija Bosne i Hercegovine i pravima i obavezama uposlenih u institucijama Bosne i Hercegovine tokom trajanja epidemije COVID-19 („Službeni glasnik BiH“, broj 58/20) direktorica Agencije je donijela Interne procedure o pravima i obavezama uposlenih u Agenciji za osiguranje u Bosni i Hercegovini tokom trajanja epidemije COVID-19 broj: 01-02-6-194-2/20 od 28.09.2020. godine. Navedenim Internim procedurama je, između ostalog, utvrđen izmjenjeni obim i proces rada. Izazov sa kojim se Agencija suočavala u izvještajnom periodu jeste različito vrijeme izrade i usvajanja entitetskih zakona i podzakonskih akata iz oblasti osiguranja.

I dalje je prisutan rizik nedovoljnih kadrovskih kapaciteta Agencije, u smislu specifičnih radnih mjesta i broja izvršilaca, zbog kojih je realizacija programskih aktivnosti u okviru planiranih rokova bila otežana. Takođe, Evropska komisija je u Analitičkom izvještaju od 29.05.2019. godine, između ostalog, konstatovala da nadležnosti, osoblje i resursi Agencije nisu dovoljni za osiguravanje da entiteti dosljedno uvrstavaju njene preporuke u svoje nacрте zakona, te da je potrebno riješiti ovo pitanje kako bi Agencija učinkovito koordinirala reforme u sektoru osiguranja.

U dijelu statističkog servisa proces prikupljanja i obrade statističkih podataka se vrši ručno uz pomoć Excel tabela, tako da postoji rizik pravljenja grešaka i sporijeg procesa obrade statističkih podataka.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA AGENCIJE ZA OSIGURANJE U BOSNI I HERCEGOVINI ZA 2021. GODINU											
Opći cilj/ princip razvoja:		Integrirani rast									
Strateški cilj:		Unaprijediti razvoj konkurentnog ekonomskog okruženja									
Srednjoročni cilj:		Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije									
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% broj ili opisano)	Polazna vrijednost 2020	Ciljana vrijednost 2021	Ostvarena vrijednost na kraju 2021	Izvori finansiranja (budžet, kredit, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal u kojem je aktivnost provedena	
1	2	3	4	5	6	7	8	9	10	11	12
1.1. Usklađivanje propisa na tržištu osiguranja u Bosni i Hercegovini											
1.1.1 Harmonizacija propisa i arbitraža											
1.1.1.1. Tabela usklađenosti odredaba entitetskih zakona u oblasti osiguranja u Bosni i Hercegovini sa propisom Evropske unije	Odjeljenje za pravne i administrativno-tehničke poslove	Tabela dostavljena direktorici Agencije	0	1	1	Budžet	31.938	26.419	I - IV	-	Aktivnost realizovana
		Tabela odobrena	0	1	1						
1.1.1.2. Izrada analize međusobne usklađenosti entitetskih zakona iz oblasti osiguranja u Bosni i Hercegovini	Odjeljenje za pravne i administrativno-tehničke poslove i Upravni odbor Agencije	Analiza dostavljena Upravnom odboru	1	1	1	Budžet	31.938	26.419	I - IV	-	Aktivnost realizovana  Za 2. sjednicu Upravnog odbora Agencije pripremljen je „Prijedlog Analize usaglašenosti zakona o obaveznom osiguranjima u saobraćaju u Federaciji Bosne i Hercegovine i Republike Srpske“. Upravni odbor je donio Zaključak kojim je konstatovao da se upoznao sa istom i zadužio Agenciju da predmetnu Analizu dostavi entitetskim ministarstvima finansija i objavi na web stranici Agencije.
		Usvojena analiza	1	1	1						
1.1.1.3. Održavanje radno-konsultativnih sastanaka sa relevantnim institucijama u Bosni i Hercegovini. Održano je više radno-konsultativnih sastanaka sa relevantnim institucijama u Bosni i Hercegovini, a neke od njih su: Agencija za nadzor osiguranja FBiH, MVTEO, MPBiH, MFTBiH, GSVMBiH, DEI, Ured za reviziju institucija Bosne i Hercegovine, Centralna jedinica za internu reviziju MFTBiH, APIK.	Agencija	Omjer broja održanih sastanaka u odnosu na broj potrebnih	%	100%	100%	Budžet	31.938	26.419	I - IV	-	Aktivnost realizovana

1.1.1.4. Aktivnosti u vezi sa obavezama Agencije proisteklim iz aplikacije Bosne i Hercegovine za članstvo u Evropskoj uniji	Agencija	Omjer broja realiziranih aktivnosti u odnosu na broj potrebnih	%	100%	100%	Budžet	31.938	26.419	1 - IV	-	Aktivnost realizovana
<b>1.1.2. Statistički servis i međunarodna saradnja</b>											
1.1.2.1. Učešće na sastancima međunarodnih asocijacija, konferencijama i skupovima	Odjeljenje za međunarodnu saradnju, finansije, statistiku i aktuarstvo	Broj održanih sastanaka	21	22	21	Budžet	85.167	85.167	1 - IV	1 - IV	Aktivnost realizovana Agencija je u cilju unaprijeđenja saradnje sa međunarodnim institucijama, asocijacijama i organizacijama iz oblasti osiguranja učestvovala na raznim seminarima, konferencijama, sastancima i radionicama. Neke od njih su konferencija na temu „EU legislativa u oblasti plaćanja male vrijednosti“, „Završna konferencija ReSPA projekta u okviru reforme javne uprave“, „Hrvatski dani osiguranja“, „Procjena rizika od pranja novca i finansiranja terorizma u Bosni i Hercegovini za period 2018-2022. godina“, „Nesvakidašnji slučaj realne neutralne stope – da li smo u dugoročnoj stagnaciji?“, „Konferencija o RMS riziku“, „Upravljanje i nadzor banaka i institucija finansijskog tržišta“, Tehnička pomoć na implementaciji virtualne misije IFRS 17“, „NatCat rizici u CEE“, „MSFI 17 i MSFI 19 seminar“, „Izazovi zakona o obaveznim osiguranjima u prometu“, „Supervizija osiguranja bazirana na riziku-put naprijed u svijetu nakon pandemije“, „Koliko nisko možemo ići? Održivo osiguranje u neizvjesnom svijetu“, „Istočno Evropski Investment forum Trst“, „Konferencija o osiguranju imovine“, „Analitika prirodnih katastrofa na mjestu osiguranja“, „Insurtech Balkans Samit“, „Seminar o inkluzivnom osiguranju“, „Obaveznost osiguranja od nezgode na radu i porezni tretman“, „Insurtech Sarajevo Samit“, „Unaprijeđenje fiskalne i budžetske transparentnosti“, itd.
1.1.2.2. Kreiranje i dostavljanje izvještaja i informacija relevantnim institucijama o stanju u sektoru osiguranja	Odjeljenje za međunarodnu saradnju, finansije, statistiku i aktuarstvo	Dostavljeni izvještaji i informacije	8	10	10	Budžet	85.167	85.167	1 - IV	1 - IV	Informacije i odgovori na upite dostavljeni Parlamentarnoj skupštini BiH, Direkciji za evropske integracije, Centralnoj banci BiH, Udruženju osiguravača Austrije, XPRIMMu, Agenciji za statistiku BiH, Službenim novinama, Nacionalnoj univerzitetskoj biblioteci BiH, Ekonomskom fakultetu Sarajevo
1.1.2.3. Prikupljanje, obrada, objavljivanje i distribucija statističkih izvještaja	Odjeljenje za međunarodnu saradnju, finansije, statistiku i aktuarstvo	Statistički izvještaji	4	4	3	Budžet	85.167	85.167	1 - IV	1 - IV	Aktivnost realizovana

III - IZVJEŠTAJ O IZRAĐENIM ZAKONIMA PLANIRANIH GODIŠNIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2021. GODINU

Opći cilj/ princip razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Naziv zakona	Vrijeme provođenja		Status zakona zaključno sa 31.12.2021.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
			1	2	3	4	
	2	3	4	5	6	7	8
1.1. Usklađivanje propisa na tržištu osiguranja u Bosni i Hercegovini							
1.1.1 Harmonizacija propisa i arbitraža							
Zakon o izmjenama i dopunama Zakona o Agenciji za osiguranje u Bosni i Hercegovini	IV	-	NE	NE	NE	NE	Realizacija aktivnosti u toku

IV - IZVJEŠTAJ O IZRADENIM PODZAKONSKIM AKTIMA PLANIRANIH PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2021. GODINU

*Opći cilj/ princip razvoja:* Integrisani rast

*Strateški cilj:* Unaprijediti razvoj konkurentnog ekonomskog okruženja

*Srednjoročni cilj:* Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Naziv podzakonskog akta	Vrijeme provođenja		Status podzakonskog akta zaključno sa 31.12.2021.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
Programom rada Agencije za osiguranje u Bosni i Hercegovini za 2021. godinu nije planirana izrada podzakonskih akata.							

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIM GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2021. GODINU

Opći cilj/ princip razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2021.godine				
	Planirani kvartal za provođenje aktivnosti	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	Komentar
1	2	3	4	5	6	7	8

Programom rada Agencije za osiguranje u Bosni i Hercegovini za 2021. godinu nije planirano zaključivanje međunarodnih ugovora.

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2021. GODINU				
<i>Opći cilj, princip razvoja:</i> Integrisani rast				
<i>Strateški cilj:</i> Unaprijediti razvoj konkurentnog ekonomskog okruženja				
<i>Srednjoročni cilj:</i> Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije				
Naziv projekta javnih investicija	Vrijeme realizacije		Status  (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
Programom rada Agencije za osiguranje u Bosni i Hercegovini za 2021. godinu nije planirana realizacija javnih investicija.				

## VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU AGENCIJE ZA OSIGURANJE U BOSNI I HERCEGOVINI

Na osnovu člana 22. Pravila za konsultacije u izradi pravnih propisa („Službeni glasnik BiH“, broj 5/17) Agencija za osiguranje u Bosni i Hercegovini je za tekst Prijedloga Izvještaja o radu Agencije za osiguranje u Bosni i Hercegovini za 2021. godinu provela javne konsultacije u periodu od 31.05.2022. godine do 15.06.2022. godine putem web stranice AZOBiH [www.azobih.gov.ba](http://www.azobih.gov.ba) kao i web aplikacije eKonsultacije. U navedenom periodu Agencija za osiguranje u Bosni i Hercegovini nije zaprimila primjedbe i prijedloge na tekst Prijedloga Izvještaja o radu Agencije za osiguranje u Bosni i Hercegovini za 2021. godinu.

